

اسمع يا ابني



عندي وصيه تنفعك

بكره الزمان هيهدي

عاوزك يا ولدي تشدني

انا ياما شلتك ف الصغر

ياريت تكون ضهر وسند

هتيجي لحظه اقول كلام



مالوش معاني ف القاموس

خليك رحيم وكون صبور

لو كنت يوم طريح فراش

اياك تمل من النقاش

بعد ودانك م الحريم

لو جات ف يوم قالت خلاص

ابوك تعبنا ليه سنين

ردك يكون اكيد حكيم

بلاش تهد معبدك

انت اللي عايش بين نارين

عارف هاكون انا ضيف تقيل

هتمر يا بني بمحتي

وتركب كمان نفس القطار

الدين يا ولدي مايتنسيش

لابد يوم هتدفعه

عيش الحياه وخليها كاش



ربك كريم هيسجله

يوم الحساب هيعجله

والجنه ليها الف باب

ومكانك انت تحجزه

عملك رصيدك ف الحياه

بلاش يا ولدي تبده